



DE WILDT
SOLAR



PHUKWI 2021 NEKWALODIKGANG LA DE WILDT SOLAR



THUSO MABAPI LE KGOLO YA DIKGWEBOPOTLANA

Bagwebipotlana ba le somenne ba amogela katiso le tshegetso, jaaka karolo ya lenaane la Tlhabololo ya Setlamo sa De Wildt Solar, go ba thusa go godisa dikgwebo tsa bone.

Ka ntlhatebo ya dikgwebo mo kgokaganong ya thoto ya porojeke ya solar, bagwebi ba ile go ithuta bokgoni jo bo nang le boleng jwa dikgwebo, go amogela kaelo ka bongwe, le go nna karolo ya dithutano tsa kgwedi le kgwedi tsa katiso.

De Wildt Solar e tshegetsa dikgwebopotlana tsa baagi ba kwa Brits, Mmakau, Mothutlung, Lethlabile, Ga-Rankuwa le mafelo a a mabapi.

Mongwe wa batsayakarolo, Rre. Modau, go tswa Meraki Sabali Holdings o rile tse di latelang ka ga lenaane: "Ke ikutlwa ke le motlotlo go nna karolo ya lenaane, toro ya me ke go nna le khampani e e tsweletseng e gape e ithhomile kwa pele e e ipelang ka tirelo ya go tlhabolola baagi le bagwebi ba le bantsi ba ba nnye."

KG AISANO YA METSHAMEKO YA BAŞWA

Ditlhophpha tsa kgwele ya dinao le bolotlowa, go tswa kwa Damonsville, Mothutlong, Mmakau le Thetelle, ba nnilo karolo mo kgaisanong ya metshameko. Ene e tshegeditswe ke De Wildt Solar, ka maikaelelo a go rotloetsa bašwa go nna mathagatlhaga, go aga dikamano tsa loago le go tlhamma baagi ba ba babalesegileng.

Kgaisano ya kgwele ya dinao e ne e baakantswe ke SAGES, NPO ya selegae, mme e simolotse ka 12 Seetebosigo, metshameko ya bobedi e tshamekilwe ka Letsatsi la Bašwa (16 Seetebosigo), mme makgaolakgang a tshamekilwe ka 20 Seetebosigo 2021. Ditlhophpha di akreditse: Kgwele ya Dinao ya ba ba kwa tlase ga dingwaga di le 13, 15 le 17; Bolotlowa: ya ba ba dingwaga di le ka fa tlase ga 15 le 19.

Dikgele tsa kgaisano di akreditse dikgele, dimetale, le diaparo tsa bolotlowa, dibibi tsa bolotlowa le diaparo tsa kgwele ya dinao, tsotlhе tse di etleeditsweng ke De Wildt Solar.

Cameroon All Stars e nnile bafenyi mo makgaolakgang a kgwele ya dinao a ba ba dingwaga di le kwa tlase ga 15, mme se se latelang ke seo Motlatsumodulasetulo, Klaas Moloto, a se buileng: "Re rata go supa ditebogo ka dipelo tsa rona tsotlhе kwa SAGES le De Wildt Solar. Mo logatong la Cameroon All Stars, re solo fela le go eletsa gore tiragalo eno e ka tshwarwa ngwaga mongwe le mongwe mo Kgwedding ya Bašwa. Re direla pono e e tshwanang le maithlomo a go ntsha bašwa go tswa kwa mebileng, go tswa mo mathateng, ka tiriso ya metshameko re ka e dirisa go tlisa tshosometso."



dewildtsolar.co.za



info@dewildtsolar.co.za



Like our Facebook Page | RenewEnergyCo

GO LEBAGANA LE DITLHOKEGO TSA TLHABOLOLO YA SEŠWENG YA BANA



Tlhagiso ya porojeke ya Tlhabololo ya Sešweng ya Bana (ECD) e tsweletse kwa baaging ba selegae kwa Mmakau, Dammonsiville, Motlholong, Oskraal le Rabokala.

Porojeke ene, ka tirisanommogo le Lefapha la Tlhabololo ya Loago, e ikaeleta go tlhaloganya sentle ditlhokego tse di rileng kwa dikeretsheng tse di mo feng ga baagi bano. Se se ile go thusa De Wild Solar go supa ka ponatshego gore tshegetso e a tlhokega mo dithutong tsa sešweng, gore baagi le Disenthara tsa ECD go bona thuso e ba ka e tlhokang.

Porojeke eno ke karolo ya lenaane la ntlha e e botlhokwa la Tlhabololo ya Ikonomi ya Loago ya De Wildt Solar, le le ikaeolang go tshegetsa tlhabololo ya pakatelele ya manaane e e nang le tshosometso kwa baaging ba selegae.

TSHEGETSO GO BALELAPA BA SELEGAE



Ditokololo tsa baagi le dikgwebo tsa selegae ba kopane mmogo go tshegetsa balelapa kwa lefelong la Mmakau, ba ntlo ya bone e neng e sele.

Didirisha tsa kago di etleeditsweng ke De Wildt Solar, gore balelapa ba kgone go aga sešwa ntlo ya bone. Balelapa gape ba amogetse tshegetso go tswa kwa dikgwebong tse dingwe le kwa ditokololong tsa baagi, ba ba tfleng mmogo go thusa.

"Jaaka balelapa, re leboga ka bottalo De Wildt Solar mabapi le kabelo ya bone. Go tswa mo botennye jwa dipelo tsa rona, re lebogela tsotthe tse ba re diretseng tsone mo nakong ya rona ya go bottloki le tlalelo."

Tshegetso eno e nnile karolo ya Porojeke ya De Wildt Solar's Hearts and Minds, e e ikaeolang go tshegetsa katlaatlelo ya baagi ba ba e dikaganyeditseng.

DIKGATO DI LE THATARO GO TLHAPA DIATLA TSA GAGO



Dirisa sesepa



Forogotha diatla ka menwana



Raba dintlha tsa menwana



Raba malokololo a seatla



Tsokotsa diatla tsa gago



Phimola diatla tsa gago

STAY SAFE

#CoronaVirus

www.nicd.ac.za

www.health.gov.za

Saete ya Didirisha tsa Aforika Borwa tsa COVID-19:

www.sacoronavirus.co.za




DIKOPANO TSA BAAGI

Dintlha ka ga dikgokagano tsa baagi tse di latelang di tla buisanelwa mo dipolateforomong tsa DEWILDT SOLAR tsa mo moweng gonne dikopano tsa sebele di sa letlelelwya mo nakong e ya taolo ya motsamao ya bosetshaba.

TIRISO YA KOTARA (Q2 2021)

- Lenaane la ED
- Thuto
- Hearts & Minds



GOLAGANYA LE RONA

Molaodi wa Ditiragatso tsa Baagi

Julius Nong

+27 65 943 9679

Julius.nong@eimsafrica.com



dewildtsolar.co.za



info@dewildtsolar.co.za



Like our Facebook Page | [RenewEnergyCo](#)